

Inzko čestitao Dunji Mijatović na imenovanju u OSCE



Visoki predstavnik i specijalni predstavnik EU Valentin Inzko danas je uputio pismo Dunji Mijatović, kojim joj je čestitao na imenovanju na poziciju predstavnika OSCE-a za slobodu medija u Beču.

“Siguran sam da će Vam značajno profesionalno iskustvo, kako u Bosni i Hercegovini tako i u inostranstvu, biti od velike koristi u obavljanju novih zadataka praćenja medijskih tokova u zemljama članicama OSCE-a i promoviranja punog poštivanja najbolje prakse i obaveza u oblasti slobode izražavanja i slobode medija”, napisao je Inzko u pismu upućenom Dunji Mijatović.

Pedeset šest zemalja članica OSCE-a imenovalo je Dunju Mijatović, eksperta iz oblasti zakona i propisa u vezi sa medijima, za OSCE-ovog predstavnika za slobodu medija na sjednici održanoj 11. marta ove godine. Prethodno je radila u Regulatornoj agenciji za komunikacije Bosne i Hercegovine, u čijem je osnivanju učestvovala 1998. godine.